

Nachtrag und Berichtigungen.

S. 32⁹ ist das Komma nach geben zu streichen; S. 111¹⁰ ist grab- oder furwies zu setzen.

Zu S. 114¹⁰ u. 19: Nach Beendigung des Drucks erwarb das K. Haus- und Staatsarchiv die hienach zum Abdruck gebrachte, für die Geschichte der gemeinen Weide von Walzheim und Zöbingen interessante Originalpergamenterkunde aus dem Jahr 1429, ein Vidimus über zwei Urkunden vom Jahr 1314 enthaltend:

Wir Ludwig grave zû Otingen unsers allergnedigsten hern des Romischen kûnges hofmeister bekennen und thûnd kûnt allermenclich mit dem brief, das wir uf huit gebûng des brifs in unser burg Alerhain zwen gût unversert pirmentin brief mit unser herschaft landgerichts insigeln ydes zûe rûgg der geschrift gedrûckt gesechen und verlesen haben, die von wort zu wort lûten und sagen als hyenachgeschriben stat: nemlich der erst brief lut also: Wir grave Ludwig von Otingen veriechen und tûnd kûnt allen den die disen brief ansehent, lesent oder horn lesen das diu gebûrschaft von Walzhain vor uns uf unserm lantgericht mit der kûntschafft, du in von gericht wegen geben ward umb die vichwaid zwischen in und Zebinningen, behabt hant, das sy mit Zebinningern uf das Ahespan und uf das Vetenloch und uf das Vetenlochespan und uf das Hart treiben sollen und mit in drauf hûten sollen und mit inn niessen und dy die kûntschafft erfûrn, das was her Walther von Bopfingen, her Cûnrat von Schopfloch und her Eberhard von Kirchen, die uf ir ayde und uf ir sele dy kûntschafft erfûrn und uns das sagten, das dy vorgeannten Walzhamer und Zebinninger gemeinlichen mitteinander uf der vichwaide und espan hûten solten und auch mitteinander darauf dreiben solten und niessen. Des geben wir disen brif versigelt mit des gericht insigel zu offem urkund der geben ist zû Kirchen an dem Dornstag nach Sant Johanstag zû Sûwenden do man zahlt von Gotes geburt driuzehenhundert jar und in dem virzehenden jar. So lût der ander brief also: Wir graf Ludwig von Otingen thun kunt an disem brief allen den die in sechen lesent oder horent lesen, das diu gebûrschaft von Walzhan vor uns uf unßer landgericht zû Kirchen mit der kûntschafft, du in von gericht wegen geben ward umb die vichwaid zwischen in und Zebinningen, behabt hant, das sy mit Zebingen darauf treiben sollen und mit in darauf hûten sollen und niessen sollen und die dy kûntschafft erfûrn das was her Walther von Bopfingen, her Cûnrat